

৭৯- সূরা আন-নাযি'আত
৪৬ আয়াত, মক্কী



।। রহমান, রহীম আল্লাহর নামে ।।

১. শপথ^(১) নির্মমভাবে উৎপাটনকারীদের^(২),
২. আর মৃদুভাবে বন্ধনমুক্তকারীদের^(৩)
৩. আর তীব্র গতিতে সন্তরণকারীদের^(৪),

بِسْمِ اللَّهِ الرَّحْمَنِ الرَّحِيمِ
وَالزُّعْفَرَانِ
وَالشَّيْطَانِ الْوَسْوَاسِ الْخَافِ
وَالشَّيْطَانِ الْوَسْوَاسِ الْخَافِ

- (১) এ সূরার শুরুতে কতিপয় গুণ ও অবস্থা বর্ণনা করে তাদের শপথ করা হয়েছে। এ পাঁচটি গুণাবলী কোন কোন সত্তার সাথে জড়িত, একথাও এখানে পরিষ্কার করে বলা হয়নি। কিন্তু বিপুল সংখ্যক সাহাবী ও তাবেঈন এবং অধিকাংশ মুফাসসিরের মতে এখানে ফেরেশতাদের কথা বলা হয়েছে। তাছাড়া শপথের জওয়াবও উহ্য রাখা হয়েছে। মূলত কেয়ামত ও হাশর-নশর অবশ্যই হবে এবং সেগুলো নিঃসন্দেহে সত্য, একথার ওপরই এখানে কসম খাওয়া হয়েছে। [কুরতুবী] অথবা কসম ও কসমের কারণ এক হতে পারে, কেননা ফেরেশতাদের প্রতি ঈমান আনা ঈমানের স্তম্ভসমূহের মধ্যে অন্যতম। [সাদী]
- (২) বলা হয়েছে, যারা নির্মমভাবে টেনে আত্মা উৎপাটন করে। এটা যাদের শপথ করা হয়েছে সে ফেরেশতাগণের প্রথম বিশেষণ। অধিকাংশ সাহাবী ও তাবেয়ী বলেন, ডুব দিয়ে টানা এবং আস্তে আস্তে বের করে আনা এমন সব ফেরেশতার কাজ যারা মৃত্যুকালে মানুষের শরীরে গভীর অভ্যন্তরে প্রবেশ করে তার প্রতিটি শিরা উপশিরা থেকে তার প্রাণ বায়ু টেনে বের করে আনে। এখানে আযাবেবের, সেসব ফেরেশতা বোঝানো হয়েছে, যারা কাফেরের আত্মা নির্মমভাবে বের করে। [ফাতহুল কাদীর]
- (৩) এটা যাদের শপথ করা হয়েছে সে ফেরেশতাগণের দ্বিতীয় বিশেষণ। বলা হয়েছে যে, যে ফেরেশতা মুমিনের রুহ কবজ করার কাজে নিয়োজিত আছে, সে আনায়াসে রুহ কবজ করে- কঠোরতা করে না। প্রকৃত কারণ এই যে কাফেরের আত্মা বের করার সময় থেকেই বরযখের আযাব সামনে এসে যায়। এতে তার আত্মা অস্থির হয়ে দেহে আত্মাগোপন করতে চায়। ফেরেশতা জোরে-জবরে টানা-হেঁচড়া করে তাকে বের করে। পক্ষান্তরে মুমিনের রুহের সামনে বরযখের সওয়াব নেয়ামত ও সুসংবাদ ভেসে উঠে। ফলে সে দ্রুতবেগে সেদিকে যেতে চায়। [কুরতুবী]
- (৪) এটা তাদের তৃতীয় বিশেষণ। সাইحات এর আভিধানিক অর্থ সাঁতার কাটা। এই সাঁতারু বিশেষণটিও মৃত্যুর ফেরেশতাগণের সাথে সম্পর্কযুক্ত। মানুষের রুহ কবজ করার পর তারা দ্রুতগতিতে আকাশের দিকে নিয়ে যায়। [কুরতুবী]

৪. আৱ দ্রুতবেগে অগ্রসরমানদের^(১),

فَالسَّيِّئَاتِ سَبَقَاتٍ ۝

৫. অতঃপর সব কাজ নির্বাহকারীদের^(২) ।

فَالْمُدَبِّرَاتِ أَمْرًا ۝

৬. সেদিন প্রকম্পিতকারী প্রকম্পিত করবে,

يَوْمَ تَرْجُفُ الرَّاحِفَةُ ۝

৭. তাকে অনুসরণ করবে পরবর্তী কম্পনকারী^(৩),

تَتَّبِعُهَا الْوَادِقَةُ ۝

(১) এটা তাদের চতুর্থ বিশেষণ । উদ্দেশ্য এই যে, যে আত্মা ফেরেশতাগণের হস্তগত হয় তাকে ভাল অথবা মন্দ ঠিকানায় পৌঁছানোর কাজে তারা দ্রুততায় একে অপরকে ডিঙ্গিয়ে যায় । তারা মুমিনের আত্মাকে জান্নাতের আবহাওয়ায় ও নেয়ামতের জায়গায় এবং কাফেরের আত্মাকে জাহান্নামের আবহাওয়ায় ও আযাবের জায়গায় পৌঁছিয়ে দেয় । [ফাতহুল কাদীর]

(২) পঞ্চম বিশেষণ । অর্থাৎ মৃত্যুর ফেরেশতাদের সর্বশেষ কাজ এই যে, তারা আল্লাহ তা'আলার নির্দেশে দুনিয়ার বিভিন্ন কাজ নির্বাহের ব্যবস্থা করে । [সা'দী]

(৩) প্রথম প্রকম্পনকারী বলতে এমন প্রকম্পন বুঝানো হয়েছে, যা পৃথিবী ও তার মধ্যকার সমস্ত জিনিস ধ্বংস করে দেবে । আর দ্বিতীয় প্রকম্পন বলতে যে কম্পনে সমস্ত মৃতরা জীবিত হয়ে যমীনের মধ্য থেকে বের হয়ে আসবে তাকে বুঝানো হয়েছে । [মুয়াসসার] অন্যত্র এ অবস্থাটি নিম্নোক্তভাবে বর্ণিত হয়েছেঃ “আর শিংগায় ফুক দেয়া হবে । তখন পৃথিবী ও আকাশসমূহে যা কিছু আছে সব মরে পড়ে যাবে, তবে কেবলমাত্র তারাই জীবিত থাকবে যাদের আল্লাহ (জীবিত রাখতে) চাইবেন । তারপর দ্বিতীয়বার ফুক দেয়া হবে । তখন তারা সবাই আবার হঠাৎ উঠে দেখতে থাকবে ।” [সূরা আয-যুমার: ৬৮] এক হাদীসে এসেছে, রাসূলুল্লাহ সাল্লাল্লাহু আলাইহি ওয়া সাল্লাম রাত্রির দুই তৃতীয়াংশ অতিবাহিত হলে দাঁড়িয়ে বলতেন, হে মানুষ! তোমরা আল্লাহর যিকর কর, তোমরা আল্লাহর যিকর কর । ‘রাজেফাহ’ (প্রকম্পনকারী) তো এসেই গেল (প্রায়), তার পিছনে আসবে ‘রাদেফাহ’ (পশ্চাতে আগমনকারী), মৃত্যু তার কাছে যা আছে তা নিয়ে হাজির, মৃত্যু তার কাছে যা আছে তা নিয়ে হাজির । সাহাবী উবাই ইবনে কা'ব বলেন, আমি বললাম হে আল্লাহর রাসূল! আমি আপনার উপর বেশী বেশী সালাত (দরুদ) পাঠ করি । এ সালাত পাঠের পরিমাণ কেমন হওয়া উচিত? তিনি বললেন, তোমার যা ইচ্ছা । আমি বললাম, (আমার যাবতীয় দো'আর) এক চতুর্থাংশ? তিনি বললেন, যা তোমার ইচ্ছা । তবে যদি এর থেকেও বেশী কর তবে সেটা তোমার জন্য কল্যাণকর হবে । আমি বললাম, অর্ধেকাংশ? তিনি বললেন, যা তোমার ইচ্ছা । তবে যদি এর থেকেও বেশী কর তবে সেটা তোমার জন্য কল্যাণকর হবে । আমি বললাম, দুই তৃতীয়াংশ? তিনি বললেন, যা তোমার ইচ্ছা । তবে যদি এর থেকেও বেশী কর তবে সেটা তোমার জন্য কল্যাণকর হবে ।

৮. অনেক হৃদয় সেদিন সন্ত্রস্ত হবে^(১), قُلُوبٌ يَوْمَئِذٍ وَاجِعَةٌ ۝
৯. তাদের দৃষ্টিসমূহ ভীতি-বিহ্বলতায়
নত হবে। أَبْصَارُهَا خَاشِعَةٌ ۝
১০. তারা বলে, 'আমরা কি আগের অবস্থায়
ফিরে যাবই--- يَقُولُونَ ءَأِنَّا لَمَرْدُودُونَ فِي الْحَاوِرَةِ ۝
১১. চূর্ণবিচূর্ণ অস্থিতে পরিণত হওয়ার
পরও?' عِذَا انشأ عظامًا تَخِرُّةٌ ۝
১২. তারা বলে, 'তাই যদি হয় তবে তো
এটা এক সর্বনাশা প্রত্যাবর্তন।' قَالُوا إِنَّكَ إِذَا أَكْرَمْتَهُ خَاسِرَةٌ ۝
১৩. এ তো শুধু এক বিকট আওয়াজ^(২), فَأَنصَابُ وَجْرِئًا وَإِلْحَادًا ۝
১৪. তখনই ময়দানে^(৩) তাদের আবির্ভাব
হবে। فَإِذَا هُمْ بِالسَّاهِرَةِ ۝
১৫. আপনার কাছে মূসার বৃত্তান্ত পৌঁছেছে هَلْ أَتَاكَ حَدِيثُ مُوسَى ۝

আমি বললাম, তাহলে আমি আপনার জন্য আমার সালাতের সবটুকুই নির্ধারণ করব, (অর্থাৎ আমার যাবতীয় দো'আ হবে আপনার উপর সালাত বা দরুদ প্রেরণ) তখন রাসূলুল্লাহ সাল্লাল্লাহু আলাইহি ওয়া সাল্লাম বললেন, তাহলে তা তোমার যাবতীয় চিন্তা দূর করে দিবে এবং তোমার গোনাহ ক্ষমা করে দিবে।" [তিরমিযী: ২৪৫৭, মুস্তাদরাকে হাকিম: ২/৫১৩, দ্বিয়া: আলমুখতারাহ: ৩/৩৮৮, ৩৯০]

- (১) "কতক হৃদয়" বলতে কফের ও নাফরমানদের বোঝানো হয়েছে। কিয়ামতের দিন তারা ভীত ও আতঙ্কিত হবে। [মুয়াসসার] সৎ মু'মিন বান্দাদের ওপর এ ভীতি প্রভাব বিস্তার করবে না। অন্যত্র তাদের সম্পর্কে বলা হয়েছেঃ "সেই চরম ভীতি ও আতংকের দিনে তারা একটুও পেরেশান হবে না এবং ফেরেশতারা এগিয়ে এসে তাদেরকে অভ্যর্থনা জানাবে। তারা বলতে থাকবে, তোমাদের সাথে এ দিনটিরই ওয়াদা করা হয়েছিল।" [সূরা আল-আযিয়া: ১০৩]
- (২) অর্থাৎ আল্লাহর জন্য এটা কোন কঠিন কাজ নয়। এ কাজটি করতে তাঁকে কোন বড় রকমের প্রস্তুতি নিতে হবে না। এর জন্য শুধুমাত্র একটি ধমক বা আওয়াজই যথেষ্ট। এরপরই তোমরা সমতল ময়দানে আবির্ভূত হবে। [ইবন কাসীর]
- (৩) আয়াতে বর্ণিত ساهرة শব্দের অর্থ সমতল ময়দান। কেয়ামতে পুনরায় যে ভূপৃষ্ঠ সৃষ্টি করা হবে, তা সমতল হবে। একেই আয়াতে ساهرة বলে ব্যক্ত করা হয়েছে। এর অর্থ জমিনের উপরিভাগও হতে পারে। [ইবন কাসীর]

কি^(১)?

১৬. যখন তাঁর রব পবিত্র উপত্যকা 'তুওয়া'য় তাঁকে ডেকে বলেছিলেন,
১৭. 'ফির'আউনের কাছে যান, সে তো সীমালঙ্ঘন করেছে,'
১৮. অতঃপর বলুন, 'তোমার কি আশ্রয় আছে যে, তুমি পবিত্র হও-
১৯. 'আর আমি তোমাকে তোমার রবের দিকে পথপ্রদর্শন করি, যাতে তুমি তাঁকে ভয় কর?'
২০. অতঃপর তিনি তাকে মহানিদর্শন দেখালেন^(২)।
২১. কিন্তু সে মিথ্যারোপ করল এবং অবাধ্য হল।
২২. তারপর সে পিছনে ফিরে প্রতিবিধানে সচেষ্টি হল^(৩)।
২৩. অতঃপর সে সকলকে সমবেত করে ঘোষণা দিল,
২৪. অতঃপর বলল, 'আমিই তোমাদের সর্বোচ্চ রব।'

إِذْ تَأْتِيهِ رَبُّهُ بِالْوَادِ الْمُقَدَّسِ طُوًى ۝

إِذْ هَبَّ إِلَى فِرْعَوْنَ إِنَّهُ طَغَى ۝

فَقُلْ هَلْ لَكَ إِلَىٰ أَنْ تَزُولَ ۝

وَأَهْدِيكَ إِلَىٰ رَبِّكَ فَتَعْتَبَىٰ ۝

فَأَرَاهُ الْآيَةَ الْكُبْرَىٰ ۝

فَكَذَّبَ وَعَصَىٰ ۝

ثُمَّ أَدْبَرَ يَسْعَىٰ ۝

فَحَشَرَ فَمَادَىٰ ۝

فَقَالَ أَنَا رَبُّ الْإِنْعَامِ ۝

- (১) কাফেরদের অবিশ্বাস, হটকারিতা ও শত্রুতার ফলে রাসূলুল্লাহ সাল্লাল্লাহু আলাইহি ওয়া সাল্লাম যে মর্মপীড়া অনুভব করতেন, তা দূর করার উদ্দেশ্যে মূসা আলাইহিস সালাম ও ফির'আউনের ঘটনা উল্লেখ করা হয়েছে। এতে ইঙ্গিত করা হয়েছে যে, শত্রুরা কেবল আপনাকেই কষ্ট দেয়নি, পূর্ববর্তী সকল রাসূলকেও কষ্ট দিয়েছে, কিন্তু তাদের পরিণতি হয়েছে ভয়াবহ। সুতরাং আপনিও সবার করুন। [দেখুন, কুরতুবী]
- (২) বড় নিদর্শন বলতে সবগুলো মুজিয়া উদ্দেশ্য হতে পারে। আবার লাঠির অজগর হয়ে যাওয়া এবং হাত শুভ্র হওয়ার কথাও বুঝানো হতে পারে। [কুরতুবী, মুয়াসসার]
- (৩) অর্থাৎ হককে বাতিল দ্বারা প্রতিহত করতে চেষ্টা করতে লাগল। [ইবন কাসীর]

২৫. অতঃপর আল্লাহ্ তাকে আখেরাতে
ও দুনিয়ায় কঠিন শাস্তিতে পাকড়াও
করলেন^(১)।

فَأَخَذَهُ اللَّهُ نَكَالَ الْإِبْرَةِ وَالْأُولَىٰ ۖ

২৬. নিশ্চয় যে ভয় করে তার জন্য তো
এতে শিক্ষা রয়েছে।

إِنَّ فِي ذَلِكَ لَعِبْرَةً لِّمَن يَتُخِشِي ۖ

দ্বিতীয় রুকু'

২৭. তোমাদেরকে^(২) সৃষ্টি করা কঠিন,
না আসমান সৃষ্টি? তিনিই তা নির্মাণ
করেছেন^(৩);

ءَأَنْتُمْ أَشَدُّ خَلْقًا أَوْ السَّمَاءُ الَّتِي بَيْنَهُمَا ۖ

২৮. তিনি এর ছাদকে সুউচ্চ করেছেন ও
সুবিন্যস্ত করেছেন।

رَفَعَ سَمَكَهَا فَسَوَّاهَا ۖ

২৯. আর তিনি এর রাতকে করেছেন
অন্ধকারাচ্ছন্ন এবং প্রকাশ করেছেন
এর সূর্যালোক;

وَأَعْتَشَّ لَيْلَهَا وَأَخْرَجَ ضُحَاهَا ۖ

৩০. আর যমীনকে এর পর বিস্তৃত

وَالْأَرْضَ بَعْدَ ذَلِكَ دَحَاهَا ۖ

(১) نَكَالُ শব্দের অর্থ দৃষ্টান্তমূলক শাস্তি, যা দেখে অন্যরাও আতঙ্কিত হয়ে যায় এবং শিক্ষা
পায়। [কুরতুবী]

(২) কিয়ামত ও মৃত্যুর পরের জীবন যে সম্ভব এবং তা যে সৃষ্টি জগতের পরিবেশ
পরিস্থিতির যুক্তিসংগত দাবী একথার যৌক্তিকতা এখানে পেশ করা হয়েছে। [ইবন
কাসীর]

(৩) এখানে মরে মাটিতে পরিণত হওয়ার পর পুনরুজ্জীবন কিরূপে হবে, কাফেরদের
এই বিস্ময়ের জওয়াব দেওয়া হয়েছে। এখানে সৃষ্টি করা মানে দ্বিতীয়বার মানুষ
সৃষ্টি করা। মৃত্যুর পরের জীবন সম্পর্কে এই যুক্তিটিই কুরআনের বিভিন্ন স্থানে
পেশ করা হয়েছে। যেমন অন্যত্র বলা হয়েছেঃ “আর যিনি আকাশ ও পৃথিবী
তৈরি করেছেন, তিনি কি এই ধরনের জিনিসগুলোকে (পুনর্বার) সৃষ্টি করার
ক্ষমতা রাখেন না? কেন নয়? তিনি তো মহাপরাক্রমশালী স্রষ্টা। সৃষ্টি করার
কাজ তিনি খুব ভালো করেই জানেন।” [সূরা ইয়াসীন: ৮১] অন্যত্র আরও বলা
হয়েছেঃ “অবশি আকাশসমূহ ও পৃথিবী সৃষ্টি করা মানুষ সৃষ্টির চাইতে অনেক
বেশী বড় কাজ। কিন্তু অধিকাংশ লোক জানে না। [সূরা গাফির: ৫৭ আয়াত]
[ইবন কাসীর]

করেছেন^(১) ।

৩১. তিনি তা থেকে বের করেছেন তার
পানি ও তৃণভূমি,

أَخْرَجَ مِنْهَا مَاءًهَا وَمَرْعَاهَا

৩২. আর পর্বতকে তিনি দৃঢ়ভাবে প্রোথিত
করেছেন;

وَالْجِبَالَ أَرْسَاهَا

৩৩. এসব তোমাদের ও তোমাদের চতুষ্পদ
জন্তুগুলোর ভোগের জন্য ।

مَتَاعًا لَّكُمْ وَلِأَنْعَامِكُمْ

৩৪. অতঃপর যখন মহাসংকট উপস্থিত
হবে^(২)

وَإِذَا جَاءَتِ الطَّامَةُ الْكُبْرَى

৩৫. মানুষ যা করেছে তা সে সেদিন স্মরণ
করবে,

يَوْمَ يَذَّكَّرُ الْإِنْسَانُ مَا سَعَى

৩৬. আর প্রকাশ করা হবে জাহান্নাম
দর্শকদের জন্য,

وَبُرْزَتِ الْجَحِيمِ لِمَنْ يَرَى

৩৭. সুতরাং যে সীমালঙ্ঘন করে,

فَأَمَّا مَنْ طَغَى

৩৮. এবং দুনিয়ার জীবনকে অগ্রাধিকার
দেয় ।

وَأَشْرَ الْحَيَاةِ الدُّنْيَا

(১) “এরপর তিনি যমীনকে বিছিয়েছেন”-এর অর্থ এ নয় যে, আকাশ সৃষ্টি করার পরই আল্লাহ পৃথিবী সৃষ্টি করেছেন। কেননা, কুরআনে কোথাও পৃথিবী সৃষ্টির ব্যাপারটি আগে এবং আকাশ সৃষ্টির ব্যাপারটি পরে উল্লেখ করা হয়েছে। যেমন সূরা আল-বাকারার ২৯ নং আয়াতে। কিন্তু এ আয়াতে আকাশ সৃষ্টির ব্যাপারটি আগে এবং পৃথিবী সৃষ্টির ব্যাপারটি পরে উল্লেখ করা হয়েছে। এটি আসলে কোন বিপরীতধর্মী বক্তব্য নয়। কেননা, পৃথিবী সৃষ্টি আকাশ সৃষ্টির পূর্বে হলেও পৃথিবী বিস্তুতকরণ, পানি ও তৃণ বের করা, পাহাড় স্থাপন ইত্যাদি করা হয়েছে আকাশ সৃষ্টির পর। [ইবন কাসীর]

(২) এই মহাসংকট ও বিপর্যয় হচ্ছে কিয়ামত। এ-জন্য এখানে “আত-তাম্মাতুল কুবরা” শব্দ ব্যবহার করা হয়েছে। “তাম্মাহ্” বলতে এমন ধরনের মহাবিপদ, বিপর্যয় ও সংকট বুঝায় যা সবকিছুর উপর ছেয়ে যায়। এরপর আবার তার সাথে “কুবরা” (মহা) শব্দ ব্যবহার করে একথা প্রকাশ করা হয়েছে যে সেই বিপদ, সংকট ও বিপর্যয় হবে অতি ভয়াবহ ও ব্যাপক। [দেখুন, কুরতুবী]

৩৯. জাহান্নামই হবে তার আবাস^(১) ।
৪০. আর যে তার রবের অবস্থানকে^(২) ভয় করে এবং কুপ্রবৃত্তি হতে নিজকে বিরত রাখে,
৪১. জান্নাতই হবে তার আবাস ।
৪২. তারা আপনাকে জিজ্ঞাস করে, 'কিয়ামত সম্পর্কে, তা কখন ঘটবে?'
৪৩. তা আলোচনার কি জ্ঞান আপনার আছে?
৪৪. এর পরম জ্ঞান আপনার রবেরই কাছে^(৩);

فَإِنَّ الْجَحِيمَ هِيَ الْمَأْوَىٰ ۖ
وَأَمَّا مَنْ خَافَ مَقَامَ رَبِّهِ وَنَهَى النَّفْسَ عَنِ الْهَوَىٰ ۖ
فَإِنَّ الْجَنَّةَ هِيَ الْمَأْوَىٰ ۖ
يَسْأَلُونَكَ عَنِ السَّاعَةِ أَيَّانَ مُرْسَاهَا ۗ
فِيمَا أَنتَ مِنْ ذِكْرَاهَا ۗ
إِلَىٰ رَبِّكَ مُتَّهَمَةٌ ۗ

- (১) এ আয়াতে জাহান্নামীদের কথা বর্ণনা করা হয়েছে: যে ব্যক্তি আল্লাহ্ তা'আলা ও তাঁর রাসূলের অবাধ্যতা করবে, আর পার্থিব জীবনকে আখেরাতের উপর অগ্রাধিকার দেবে অর্থাৎ আখেরাতের কাজ ভুলে গিয়ে দুনিয়ার সুখ ও আনন্দকেই অগ্রাধিকার দিবে; তার সম্পর্কে বলা হয়েছে, জাহান্নামই তার আবাস বা ঠিকানা । [সা'দী]
- (২) রবের অবস্থানের দু'টি অর্থ হতে পারে, এক. রবের সামনে হাজির হয়ে হিসাব নিকাশের সম্মুখীন হতে হবে- এ বিশ্বাস করে প্রবৃত্তির অনুসরণ হতে যে নিজেকে হেফায়ত করেছে তার জন্য রয়েছে জান্নাত । দুই. রবের যে সুমহান মর্যাদা তাঁর এ উচ্চ মর্তবার কথা স্মরণ করে অন্যায় অশ্লিল কাজ এবং প্রবৃত্তির অনুসরণ থেকে বিরত থেকেছে সে জান্নাতে যাবে । উভয় অর্থই এখানে সঠিক । [বাদা'ই'উত তাফসীর]
- (৩) এ সম্পর্কে অন্য আয়াতে বলা হয়েছে, "তারা আপনাকে জিজ্ঞাসা করে কিয়ামত কখন ঘটবে । বলুন, 'এ বিষয়ের জ্ঞান শুধু আমার প্রতিপালকেরই আছে । শুধু তিনিই যথাসময়ে উহার প্রকাশ ঘটাবেন; ওটা আকাশমন্ডলী ও যমীনে একটি ভয়ংকর ঘটনা হবে । হঠাৎ করেই উহা তোমাদের উপর আসবে ।' আপনি এ বিষয়ে সবিশেষ জ্ঞাত মনে করে তারা আপনাকে প্রশ্ন করে । বলুন, 'এ বিষয়ের জ্ঞান শুধু আল্লাহ্রই আছে, কিন্তু অধিকাংশ লোক জানে না । [সূরা আল-আরাফ: ১৮৭] এখানে ঠিক এটাকে বলা হয়েছে যে, এর পরম জ্ঞান রয়েছে আপনার রবের কাছেই । হাদীসে জিবরাঈল নামক প্রসিদ্ধ হাদীসেও জিবরাঈলের প্রশ্নের উত্তরে রাসূলুল্লাহ সাল্লাল্লাহু আলাইহি ওয়া সাল্লাম একই উত্তর দিয়ে বলেছিলেন, "যাকে প্রশ্ন করা হয়েছে সে প্রশ্নকারীর চেয়ে বেশী জানে না" । [বুখারী: ৫০]

৪৫. যে এটার ভয় রাখে আপনি শুধু তার
সতর্ককারী ।

إِنَّمَا أَنْتَ مُنذِرٌ مَّن يَّحْشَاهَا ۝

৪৬. যেদিন তারা তা দেখতে পাবে সেদিন
তাদের মনে হবে যেন তারা দুনিয়ায়
মাত্র এক সন্ধ্যা অথবা এক প্রভাত
অবস্থান করেছে^(১)!

كَأَنَّهُمْ يَوْمَئِذٍ يُرَوُّنَهَا كَمَا يُرْبِتُونَ اللَّيْلَ ۝
أَوْ ضُحًى ۝

(১) দুনিয়ার জীবনের স্বল্পতার বিষয়বস্তুটি পবিত্র কুরআনের অন্যান্য স্থানেও বর্ণিত হয়েছে । যেমন, সূরা ইউনুস, আল-ইসরা, ত্বা-হা, আল-মুমিনুন, আর-রুম, ইয়াসীন ও আহকাফে এ দিকে ইঙ্গিত করা হয়েছে ।